

上饒縣志卷六

公署

官所居曰公署別于私也受天子命來蒞斯土得而居之則朝廷尊優之意其義已隆臨民者晝考夕究皆于是焉烏容苟乎一己之心與疾苦相關一日之謀與治平相合利害得喪不以動念則于公之義名實副矣

府治

在廣信門內創始于唐乾元初宋皇祐時圯于水知州張衡實修復之有王安石記紹興間知州何潤重建劉子翼建儀門淳熙間知州王漢林枿相繼葺理有韓元吉記元至正末燬明洪武三年知府王範鼎建中為治廳左照磨所右經歷所左右介為鑾駕永盈二庫冊籍庫附左偏之

上饒縣志

卷六

公署

一

東南廳前為露臺臺前為甬道翼以兩廢為六曹又前為儀門儀門外為土神祠前列兩廳為清軍為理刑統之為外門外門兩翼為榜廊廳後為川堂又後為退省堂堂後為內宅左右介為同知通判宅左前為推官知事檢校宅右前為經歷照磨宅吏舍列兩廡之後周垣以棘天順間知府金銑新戒石亭據甬道中成化間知府王翰于廳右西北隙地建架閣庫與典籍庫直又礱石為闌周露臺弘治間知府陳廷璉因規而飾之正德辛未增置捕盜通判知府陸徵乃撤經歷廡拓新宅居之嘉靖間捕盜通判以左介置經歷所右介置照磨所右前為知事所泰昌間檢校缺裁軍刑兩廳在治堂左通判廳在堂右天啟間知府蔣如奇重新頭門儀門

國朝康熙二年知府蔡廷輔重新兩廡列六曹書舍神祠賓館甲寅之變堂署俱燬十六年知府高夢說暨上饒知縣馬之驥捐造衙舍川堂而大堂頭門則知府孫世昌重建也後大堂復圯知府崔鳴鶯重新之雍正年間大堂又圯後蒞任者俱勉就川堂治事乾隆五年郡守陳世增申請各 憲具題

俞允發帑六百一十餘兩重建之度支不足益以養廉銀兩堂成摹朱子所書牧愛堂以名鐫碑自紀其事于堂側記見藝文

督學行署前此未嘗建置歲科兩試始附于饒州後試于貴溪

國朝初乃僦府西門外夏文愍公祠以試士亦遷就計也人

上饒縣志

卷六

公署

二

衆地隘生童苦之乾隆元年郡守陳世增乃即城內察院行署舊址而新創之規模宏敞號舍寬綽俱詳自記中巡撫岳濬題其堂曰觀成與學使趙大鯨俱有記

察院司在縣治後東北天寧寺基舊有府屬縣屬公所順治間缺裁址仍為天寧寺

布政分司在縣治西盈濟坊舊在治西政教坊明正統六年以陰陽學基改建正德間再徙今所康熙六年缺裁司毀按察分司在縣治西澄清坊缺裁址存今為督學行署

同知署在府治左康熙甲寅兵毀丁亥同知武宣重建及內宅各吏書舍己丑復于二堂之西建適餘堂辛卯又建川堂暨醒心齋潔己亭眇怡亭皆出己貲舊例修葺係貴溪承值擯不取自有記見藝文

通判署舊在府署右兵燹後廳宅俱廢今在府治繚垣外之西偏即湖東道故署也歲久棟榱朽壞頭門且隘而逼康熙庚寅通判蔣培德乃于儀門外砌甬道南北夾以垣又建頭門屏牆辛卯新大堂內宅及吏書科房并葺二堂堂西建思補軒并挹翠亭壬辰復于署東闢射圃圃後建望仞齋三載之中所建所葺皆捐己俸舊例歲修係弋陽承值俱擯絕思補軒自有記見藝文

經歷署在府治大堂右

照磨署在府治儀門右

司獄司署在府門西南古司理廳址也明洪武間知府彭南舉建十三年燬康熙間知府孫世昌重建後缺裁署亦廢

稅課司署在廣信門外古仁智亭基也明洪武十四年知府

上饒縣志

卷六

公署

三

楊桂亨建後缺裁署亦廢

葛陽驛署在南隅下郭去縣一里許古真慶宮基也舊名饒陽驛宋淳熙間在城隅闔闐坊元至正甲辰知縣韋衡徙府左改名葛陽明洪武十四年徙今所缺裁署亦廢

遞運所在闔闐門外通津坊缺裁廢址半為僧寮即今波若菴

陰陽學在湖東道南久廢

醫學在府城隍廟東久廢

僧綱司前在天寧寺

道紀司前在玄妙觀

譙樓在府治前明正德壬申燬知府陸徵重建嘉靖乙巳知府江珍改新民主學一所麗譙樓之西楹今廢譙樓存

上饒縣治在府治東唐宋舊治在州城外天津橋元季燬于兵明洪武三年知縣陸晟徙今所成化四年知縣董綸改創中為廳後為川堂廳前為露臺為甬道為戒石亭傍列兩廡為六曹外為儀門堂後為內宅其左為丞廡右為簿廡典史廡在丞廡之南吏舍列東西廡後儀門外東為土神祠西為犴獄又外為大門為申明旌善二亭後二亭俱廢順治初知縣郭永靜撤戒石亭樹兩楹于甬道主簿缺奉裁廡廢縣丞廡亦廢暫僦民居順治庚子知縣程汝璞捐修大堂題曰芝發以梁間曾產芝也康熙十三年為賊所燬僅存川堂數楹不蔽風雨十七年知縣馬之驥蒞任棲止無所結茅治事至二十年始建頭門儀門覆以竹簾事皆草創四十三年知縣劉光祖捐建大堂乾隆七八年

上饒縣志

卷六

公署

四

間知縣汪文麟外而廳事內而住舍俱稍加修葺

縣丞署前在縣治左贊政廳後明天啟間缺裁址入縣衙順治間缺復丞俱僦民居蒞事至呂調元始構數楹于縣治右後又圯賃民居雍正五年詳請以天主堂改為丞署乃有棲止

主簿署前在縣治右後缺裁署廢

典史署前在縣治儀門內左年久倒敗乃葺吏舍以居康熙十三年燬後皆僦民居蒞事雍正十三年典史李世昌詳請于縣治頭門內右建廳及頭二門廳後李又價買謝事知縣李希昉自置房屋四進始免租賃

按希昉所售之地非官地也希昉以事罣誤四買縣署西民房居之去之日轉售于世昌耳

儒學教諭署前在學宮北明末圯來任者或僦民居或寓祠廟乾隆八年知縣汪文麟教諭明東陽勸捐紳士于學宮東偏隙地建齋前立二門後建內宅至是乃有定所儒學訓導署前在學宮北明末圯棲息無定所乾隆元年教諭文師大訓導宋代瓚將學內舊材于學宮西偏隙地建齋後建內宅方覆瓦未成而去三年教諭明東陽陸續捐銀四十餘兩始修理完整

土神祠在縣儀門外左順治庚子知縣程汝璞復修

迎賓館在縣治儀門外左舊有仁明廉敬四箴篆于壁知縣許令典有例屣迎佳客披襟懷好音之句揭于門今廢仁箴含生蠕動皆天所生民吾同胞尤切于身草芥視之抑獨何心噫馳聲鸞鳳彼獨何人而我寧自比于蒼鷹

上饒縣志

卷六

公署

五

明箴惟水之清能照鬚眉惟鑑之空可別妍媸乃人之心至虛至靈一有障蔽是非兩迷噫片言折獄彼獨何人而我願自聽其昏愚 廉敬二箴失考

申明亭在縣門外東址存

旌善亭在縣門外西址存

### 秩官

大臣所尊者君其道上行天下治忽攸繫有司所親者民其道下究一邑安危所關故官制古今不同而方策所載不遺其細則一也上饒自邑令外職官時有沿革增減茲悉詳列焉其世遠無稽者依舊志缺之夫人或搶潛德無求于世世亦不知并不得附隱逸之列蓋亦有矣而官是邑者雖一命之士其名直與靈山並峙豈不偉哉乃後之

人追論其世考其得失或不為一槩之詞則姓字之留可思也而不可恃没世之稱有前乎此者矣

唐按唐制設一人名氏俱無考簿各一人尉二人經學博士一

宋設知縣一員縣丞主簿各一員東尉西尉各一員

知縣

潘雲煥慶元年間程廻紹興年間

尉

江徹曾逮尉有傳祀名李漢臣有傳

元置達魯花赤縣尹各一員縣丞主簿典史縣尉各一員

達魯花赤縣尹

韋衡達魯花赤至正年不花帖木兒達魯花赤延祐年

尉

上饒縣志 卷六 秩官 六

游炳至正年間

明置知縣一員縣丞主簿典史各一員崇禎間縣丞缺裁

知縣

陸晟林榮李慶

趙景純有傳

已上俱洪武年間任

陸居仁王敬葉廉寶應人

已上俱永樂年間任

謝琛有傳

王誼董綸江源

劉清任泰王鼎有傳

已上俱正統成化年間任

張嶺

戴同

張景暘

已上俱弘治年間任

黃希英

龍琰

戴彝心

白多才古心薄人勢謂不以廉惠得民心

周

輅上抗人

已上俱正德年間任

彭祺壽

黃陂人

成世安

徐申

崑山人

徐表

漳浦人

徐汝圭

淳安人

林山

尤溪人

王欽

黃梅人

張體乾

宿州人

林軌

成都衛人

張札

武昌人

陳添祥

祁門人

吳文奇

貴池人

孫光遠

上元人

徐時申

鄞縣人

已上俱嘉靖年間任

陳大訓

長洲人

鍾大鵬

恩縣人

辛如金

恩縣人

上饒縣志

卷六

秩官

七

王炳璿

崑山人

陳石卿

漳浦人

焦鎬

當塗人

蕭建勳

順德人

劉伯輝

懷寧人

李鴻

長洲人

朱萬春

無為人

進士欽

取考選

許令典

進士海寧人

姚應陽

廣東人

張明憲

湖廣人

翁延壽

惠來人

吳之鯨

仁和人

已上俱隆慶萬曆間任

謝邦薦

太平人

翁竟成詔去人

已上俱天啟年間任

董時選

嘉定州人

許璟

福建人

關捷先

廣東人

林寅泰

福建人

張國光

湖廣人

蔣元士

南直人

已上俱崇禎年間任

縣丞

鐳後

姚輔

王

失名雲  
人

已上俱成化年間任

莊資

劉孜

白愷

鍾鴻

張達

王輔

陳正

已上俱弘治正德間任

屠宗顯

沐恩人

莫可及

湖廣縣人

向及第

湖廣人

章應顯

浙江人

伍繼元

紹興人

孫夢聖

浙江人

已上俱嘉靖隆慶年間任

宋述

朱家棟

已上俱天啟崇禎年間任

主簿

上饒縣志

卷六

秩官

八

何阿魯

張胤

蕭旺

已上俱成化年間任

張聰

張翥

許璉

已上俱弘治年間任

葛茂山

關孝

蔡錦

張守正

已上俱正德年間任

徐同

嘉靖年間任

王化新

山西人

孫應舉

山西人

已上俱天啟年間任

金有聲

孔

文

南直人

林廷梧

已上俱崇禎年間任

教諭

張淵

程

鏞

籀圻人

林彌贊

陳孟稠

已上俱景泰成化年間任

張汶

吳存德

蘭溪人

已上俱弘治年間任

蔡德器

何朝毅

龍宣和

已上俱正德年間任

許選

漳浦人

張

堅

龍溪人

彭份

蔡萊

蔡鵬霄

舒容

姚逢恩

傅作興

趙希賢

河南睢州人舉

上饒縣志

卷六

秩官

九

已上俱崇禎年間任

訓導

歐陽暮

本縣人洪武年間任

汪仲庸

本縣人移事就養以孝聞永樂間為金華府教授赴京

游質

本縣舉人授邑訓陞新昌教諭

張喜文

謝信

楊文榮

葉瓚

分水人

桂瓚

李昇

已上俱景泰成化年間任

林譯

袁賢

余熙

嚴傑

龐振治

張濬

鄞縣人

已上俱弘治年間任

陸懷

貴州人

陳翼

慈谿人

張參

本華亭姓人姚

楊玉滁州人

已上俱正德年間任

文載道歸州人 駱韶鳳

已上俱嘉靖年間任

劉澤勛州人 王廣恩 楊士元

已上俱隆慶萬曆年間任

蕭文光江陵人 傅櫬 史與遷

張思啟 張士賓 劉應時

范世華南昌貢士

已上俱天啟崇禎年間任

典史

劉亨成化年間任

上饒縣志 卷六 秩官 十

張輅 黃宗魯弘治年間任 葉海

徐珩正德年間任 鮑倫嘉靖年間任 張茂益

謝敏夫 楊長春俱隆慶年間任 康時顯

吳忠浙江人 胡廷楨 方日榮崇禎年間任

國朝初設十知縣一員 復設典史一員 儒學教諭一員 訓導一員 二順

十二年復設十訓導

知縣

郭永靜北直撫寧人 沈獅錢唐舉人

程汝璞合肥人 由進士陞刑部主事 後任浙江學政

已上順治年間任

趙希孔北直寧津人 郭帝京陝西長武貢 晉淑昉山西平陽人

李異臣金壇舉人 馬之驥保定人 有金世福奉天遼陽人

許震元 寧夏舉人 方光彧 蘭溪拔貢 張世奇 湖廣武昌人

吳延賢 山西太原人 甯灋曄 山東兗州人 王緯 陝西西安舉人

劉光祖 江西南昌人 李世珩 順天人 黃中驥 廣東肇慶舉人

謝錫周 廣東舉人 張士鑑 奉天人 倪見龍 浙江平湖人

李希昉 河南舉人 王還樸 河南進士 張廷 江南人

張秉彝 焉邑舉人 蒲鳴鳳 四川舉人 孟克文 四川閬中舉人

陶士儂 湖廣寧鄉人 已上康熙雍正年間任

程光鄂 湖廣孝感人 汪文麟 江南現任

縣丞

李澄

陳貞 大興人 李澄

上饒縣志

卷六 秩官 十一

龔戴銓 山東邱縣人 呂元調 順天宛平人 沈麟趾 浙江紹興人

李勲 湖北廣濟人 李二美 直隸人 賈以延 直隸人

張侯 北直人 金綸 蘇州人 鮑一相 江寧人

劉鐸 河南滑縣人 已上康熙雍正年間任

朱樹智 浙江嘉興人

教諭

鄒士聰 豐城舉人 徐琦 常山人 熊有年 豐城舉人

余弘祖 德化貢士 熊如旭 南昌進士 何兆綦 彭澤舉人

已上俱順治年間任

曾大勇 安福舉人 胡兆璧 金谿舉人 戴莒 金谿舉人

陳禎生 南昌縣舉人 李仙客 臨川舉人 舒旦 進賢舉人

李捷 峽江舉人 傅沛仁 南昌舉人 傅道依 撫州歲貢

盧宗臣 建昌舉人 戴元美 南昌歲貢 胡之麟

舒濂 靖安舉人 文師大 德化舉人

已上俱康熙雍正年間任

明東陽 南安康舉人現任

訓導

鄒惟瓚 星子貢士 李覲 廬陵貢士 胡尚平 贛州貢士

已上俱順治年間任

康熙三年奉文缺裁康熙二十二年復設

楊兆鳳 贛州貢士 邵鼎 饒州貢士 李用梅 南安貢士

鄧維淵 南昌貢士 盧之麟 南昌貢士 宋代瓚 星子貢士

已上俱康熙雍正年間任

上饒縣志 卷六 秩官 十二

邵良璋 都昌貢士 陳士弼新 淦貢士現任

典史

呂升 柴希貢 山西襄陵 馮壽枝 浙江會稽人

洪大勳 浙江慈谿人

已上俱順治年間任

戴世武 句容人 程思亨 浙江東陽人 黃士秀

何秉治 張崇桂 北直文安人 季登科 順天良鄉人

余渙 紹興會稽人 錢雲翼 紹興山陰人 鍾掄 順天宛平人

已上俱康熙雍正年間任

李世昌 紹興會稽人現任

巡檢 鄭家坊司

宋文耀 北直間任 劉廷元 郝梅

陳卜旦

黃州人

魯一變

葉時泰

上虞人

苑之丙

鄆城人

潘標

方載揚

宛平人

范和泰

山西平遙人

已上康熙雍正年間任

沈仁龍

順天大興藉現任

巡檢

八房場司

姚思恩

江南長洲人

陳

凱

順天大興人

已上順治年間任

徐茂勳

錢德基

石玉琰

姜允泰

金華人

呂興仁

黃進功

宣化人

王弘基

宛平人

朱陳選

宛平人

已上康熙雍正年間任

上饒縣志

卷六

秩官

十三

陳

重

無錫人現任

驛丞

牛似玉

高永選

已上崇禎年間任

阮應龍

俞子仁

順天大興人

已上順治年間任

陳奮瀛

湖廣蘄州人

周世琦

宛平人

王國泰

章澄

丁爾昌

已上康熙年間任今裁

防營

二國初設參將一員中軍守步備戰一員一千八百一十員把守

一兵三百三十名戰馬

參將

康時昇 河南榮澤人 王三錫 順天大興人 吳士英 奉天遼陽人

已上順治年間任

劉躍門 北直人 曹得成 遼東潘陽人 高必盛 遼東左衛人

鄭啟明 河南歸德府鹿邑縣人 王志 泉州同安縣人

劉而謹 臨分武舉人 高漸陞 陝西寧夏衛人 卓爾壇 江南武進都士縣人

呂上懋 四川人 蕭生岱 陝西膚施縣人 汪建侯 陝西西安人

以上俱康熙年間任

張福 陝西甘肅州人 白琦 山西太原人

以上雍正年間任

劉景榮 黃旗漢軍 守備

趙鴻

尤調元 宛平人 王一麋

上饒縣志

卷六

秩官

十四

張蘊奇 胡敬忠 江西南昌人 莊名亮 江西安仁縣人

白守福 陝西延安人 宋可忠 順天武清縣人 楊魁 九江府人

蘇龍化 泉州府晉江縣人 厲士選 江西南力人

郭成 山西陽和伍人 賈應福 陝西西寧伍人

已上俱康熙年間任

李年豐 山西平遙人 由兵科効力

劉福 河南開封府祥符縣人

千總

鄒時俊 江南上元人

順治年間任

尹先知 順天京關人 蕭鳳 江南六合縣人 陳光 漳州海澄縣人

趙得勝 劉天開 王大

周錫受 永豐縣人

已上俱康熙雍正年間任

李民望 建昌人由 林朝相 南昌現人由

把總

曾龍 臨川縣人 衛忠 山東濟南 劉壽 江西南淮安

文玉 周聖邦 陳有

郭佐治 南昌新建 嚴士鼎 本縣人 稽國良 江西人

已上俱康熙雍正年間任

胡大受 清江人由 許彪 南昌縣人由

名宦

漢制郡縣得自以其治達于京師而施行者不掣其肘故循良之績最盛在上饒未建邑時也邑肇于唐而一代

上饒縣志 卷六 名宦 十五

之名宦缺焉意者文獻無徵日就湮沒良可惜已今仍故乘所載而又採他書以補其遺宋三人而已于明得九人國朝十人焉數不必多而或以德化或以清苦或以明斷亦皆畧具盖不但名父杜母之足令人思也前者後之師新者故之續來者之興其曷有已要其得列于斯乘豈偶然哉

宋

程迴知上饒政寬而明令簡而信綏強扶弱導以恩義積年仇訟一語解去猾吏奸民皆感激悛悔尤賓禮賢士隱德潛善皆表出之以勵風俗

曾逮幾子也為上饒尉手植桂于廳後人懷其德名口西清桂仕終禮部郎中

李漢臣字仲良世為荊州著姓初試太學不遂乃遊駙焉  
都尉曹詩門用公主特恩任郊社齋即調漢陽尉獲湖  
中盜數十人或曰此可市美官漢臣曰我寧殺人以為  
利耶卒核實本爭漁鬪死耳再調上饒尉中書舍人姚  
勔謫守信州民有訟水利累年不直者姚心有所主名  
以付漢臣漢臣曰一姓專利而餒十家豈賢守意哉姚  
初怒而終愛之薦授理定令黃文節為誌

明

趙景純福建閩縣人初名明以字行永樂間知上饒縣悉  
心民事修學校均賦役禁吏胥息盜賊治聲甚著卒于  
官邑人哀之

謝琛浙江定海人正統間由進士任上饒為人耿介有守  
平易近民興學校平賦役境内大治

上饒縣志

卷六

名宦

十六

任泰字亨伯嘉善人由進士知上饒學復才膽為政務大  
體不事操切百廢具舉居三年以治行徵

王炳璿崑山人萬曆戊寅知上饒政務大體尤加意學校  
改建興文飭政二坊以奎星樓為學門東向挹瑯琊諸  
峰之秀自是文風日盛士多稱之

采郡志補入

李鴻長洲人由進士知上饒嚴氣正性誠實愛民時值豎  
議開採封禁木植居民聞風逃竄鴻力陳要害詳請院  
司道府既踏勘山場鴻率先芒履披榛剪棘與潘內監  
攀援險阻困餓累日至半途不得通潘監難之民羸斃  
者無算由是忿激騰譟鴻解冠去邑人德之祀名宦  
吳之鯨字伯霖仁和人萬曆庚申由舉人知上饒生平積

學名士多出其門遠近學者知與不知皆宗之及為令  
慧心仁質事事簡明有德于民甚多嘗語人曰我藻鑑  
其明我三尺難犯盖實錄也且手不釋卷口不擇言立  
課條訓士有今日作文明日作文却有不好文出來今  
日不好明日不好却有好文出來之語未幾卒于官時  
郡守王庭梅即其弟子為經紀其後事云

闕捷先廣東高明人崇禎甲戌進士初任上饒操持廉介  
風格稜峻以興學育才勸課農桑為己任丙子分闈所  
得皆名下士人服其識御史臺以循良薦適丁內艱去  
士民遮留後補廬陵報最行取吏部主政歷陞文選郎  
中廬陵人為之立祠孫闕孫謀康熙己卯舉于鄉人謂

良吏之報云

米府志補入

上饒縣志

卷六

名宦

十七

趙希賢睢州人崇禎間以舉人署上饒學諭篤摯誠敬日  
讀書百篇夜分猶篝燈達旦訓邑弟子每設難辯論古  
今載籍與朱程之學窮源究委指授多方凡所餽遺俱  
却不受會金王變亂父客死倉卒葬邑之南塘塢登順  
治戊戌進士始百舍重趼負櫬以歸至今學者多仰慕  
不忘云

戴菖號仙卿金谿人由辛卯鄉薦諭上饒學敦敏博奧恬  
淡寡營訓士首重孝弟課藝必本程朱務躬行不尚虛  
浮會柯逆叛挾偽不從抱印奔南鄉上瀘避賊窮谷中  
絕粒死

國朝

郭永靜奉天撫寧人由教習順治三年知上饒廉明仁恕

一意撫綏當開國初民得還定安集全活甚衆尋陞紹興同知以憂歸服闋補邵武同知卒于官

馬之驥號逢伯直隸保定完縣人性敦敏文名藉盛以明經讀書辟雍謁選進賢丞進號劇邑土瘠賦重驥督收漕兌革陋規減耗羨廉明丕著無何撫建廣饒反側蠡起進為四郡咽喉禁旅雲集驥殫心協力芻糗岡缺諸大吏傾口委任撫建恢復總督董嘉其勞績特疏薦拔補上饒令先是柯逆倡亂信境盡為賊窟甫下車汲汲以招集流亡為事請蠲請賑民賴以甦行撫字于催科寓精明于渾厚生養休息以培邦本衙舍傾圮葺茅編棘處之恬如饒民戴若父母會府校員缺檄攝學篆延見諸生最行誼課文藝有陽城胡瑗遺風

上饒縣志

卷六

名宦

十八

王緯字西佩陝西永壽人壬子舉人康熙三十七年令上饒下車日遍歷鄉陬問民疾苦勸課農桑設法催科民樂輸將十餘年逋賦皆清尤加意學校培植單寒表彰節孝暇則論文賦詩尋以終養告歸邑人有悠悠之思云

劉光祖字思沛江都人由例監令上饒清潔自好軫恤民依洞悉里長代比之苦上役坐班之擾詳請禁革設立小单以杜飛灑自此民無賠累賦役以清常捐修縣學文廟士類懷之後丁艱去為建祠于曲江書院右今廢謝錫周廣東人由舉人令上饒仁恕廉介澹泊自甘到任甫数月檢閱邑中積逋嘆曰民者吾之子奚忍以鞭朴使也遂以年老告罷任內所餘俸薪耗羨近五百金胥

解司庫 上憲知其廉還之錫周仍留充公用人有餽  
遺槩卻不受但徵詩一章而已去之日襍衾扁舟炳然  
自如其高致有如此

張士鑑康熙間令上饒時小醜竊發百姓洶洶士鑑悉心  
防禦巡邏勦緝獲巨寇數人置以法餘黨皆散民得安  
堵支費數百金皆出己橐後以罣誤去民多涕泣遮道  
送之

李希昉河南偃師人由舉人令上饒守潔行方雅意作人  
見邑童日衆詳請廣額五名 上憲如其請題

允後以積逋罣誤士民感念設櫃捐賠居饒三載饗殮不繼  
備嘗艱苦去之日至不能夙駕廉吏可為而不可為其  
信然耶

上饒縣志

卷六

名宦

十九

陶士儂湖北寧鄉人由舉人試江西雍正間調上饒饒多  
積逋前令率受叅罰士儂于催征中寓以撫恤逋由以  
清郡南鍾靈橋舊用木架議易以石儂實始其事見  
學宮將圯集紳士議修方營現度值 內召去功皆未  
竣而念切士民有不可沒者

程光鄂字暨南湖北孝感人由進士試江西調上饒政尚  
嚴明奸宄不敢肆志接修

文廟學校聿興喜論文雖簿書罔暇必每月課士課必至  
署面試務令各盡所長得卷輒面加可否由是士類翕  
然文風丕振皆其力也乾隆五年以丁內艱去邑人士  
思念不忘

舒濂字淑周號石麟子靖安人由舉人喻上饒性嚴介人

不敢干以私嘗題句云俸薄儉常足官卑□□尊捐俸  
建文昌祠于明倫堂左又建學頭門課士一以古文大  
家為程致仕歸惟敝書一篋盖得舒文節之遺風者著  
有石麟閣集行世

汪文麟字遇聖江南碭山人由拔貢考最令興安居心寬  
厚立政和平治數年廉能有聲調饒饒劇邑麟英明精  
敏治有餘閒以慈惠恤民不擾而民安以禮貌待士不  
飭而士正見文運不振修培 學宮明倫堂而鄉科聯  
翩乾隆八年飢常平社倉借糶並行出養廉及庫銀買  
穀減價以便民更親往四鄉勸借勸糶民困以紓邑乘  
六十年無議修者麟纂輯成帙故士民胥頌揚不置云  
明東陽號亦邨南安南康人由舉人諭上饒端方持己慤  
誠待物誨人口植品敦倫為先每課士務細加評改一  
歸新穎盡洗從前庸俗之習今文風丕振科目獲售皆  
其力也 學宮明倫堂暨邑乘之役相與經畫採輯運  
籌度支毫不卸諉沾染庠中或有事故牽掛者多方保  
全而無計功謀利之心著有紀愚集俟刊行